



Broj: 14-11-1375/21  
Vogošća, 07.10.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 07.10.2021. godine donio je

**ODLUKU  
O IZBORU NAJPOVOLJNIJEG PONUĐAČA ZA NABAVKU I ISPORUKU IT OPREME ZA  
OPREMANJE MZ I DRUŠTVENOG DOMA BLAGOVAC**

**Član 1.**

Ponuda ponuđača "Printex" d.o.o. Sarajevo, ulica Hasana Sušića broj 9. i 11. Sarajevo, odabrana je za nabavku i isporuku IT opreme za opremanje MZ i Društvenog doma Blagovac, kao prvoplasirana na Rang listi, sa ponuđenom ukupnom cijenom nabavke u iznosu od 17.700,00 KM bez uračunatog PDV-a, odnosno 20.709,00 KM sa uračunatim PDV-om.

**Član 2.**

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 15.09.2021. godine donio Odluku o pokretanju postupka Konkurentskog zahtjeva za dostavu ponuda za nabavku i isporuku IT opreme za opremanje MZ i Društvenog doma Blagovac, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 15.09.2021. godine pod brojem: 1353-7-1-167-3-128/21.

Tendersku dokumentaciju sa Portala javnih nabavki BiH je preuzeo 31 (trideset i jedan) ponuđač.

Krajnji rok za dostavu ponuda bio je 28.09.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 28.09.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 14-11-1375/21 iz septembra 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 5 (pet) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Inter-com" d.o.o. Zenica	19.680,00	/	/	23.025,60
2	"Zerick" d.o.o. Sarajevo	19.650,00	/	/	22.990,50
3	"Printex" d.o.o. Sarajevo	19.660,00	/	/	23.002,20
4	"Digitarija" d.o.o. Sarajevo	19.680,00	/	/	23.025,60
5	"Imtec" d.o.o. Sarajevo	19.680,00	/	/	23.025,60

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "Inter - com" d.o.o. Zenica ne ispunjava formalno-pravne uslove tražene Tenderskom dokumentacijom i to:

U obrascu za cijenu ponude – Aneks 2 TD, specifikacijom (kolona 3 tebele) traženo je "Navedi naziv ponuđenog artikla ili ekvivalenta, ukoliko postoji razlika u tehničkoj specifikaciji ponuđenog u odnosu na traženo upisati u prazno polje ponuđenu specifikaciju".

Ponuđač "Inter - com" d.o.o. Zenica u svojoj Ponudi (strana 9) u Obrascu za cijenu ponude – Aneks 2, nije upisao naziv ponuđenog artikla (redni broj 7 Specifikacije – Platno za projektor).

Također, ponuđač "Inter - com" d.o.o. Zenica u svojoj Ponudi (strana 10) u Obrascu za cijenu ponude – Aneks 2, nije naveo naziv ponuđenog artikla (redni broj 9 Specifikacije - Tablet).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

- II. Ponuda ponuđača "Zerick" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 7.2.1. TD, a u skladu sa članom 46. Zakona traženo je da ponuđači moraju biti registrovani za obavljanje djelatnosti koja je predmet javne nabavke.

U svrhu dokazivanja profesionalne sposobnosti ponuđači su bili dužni u ponudi dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbjede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke, uz napomenu da dokazi koji se dostavljaju moraju biti originali ili ovjerene kopije.

Ponuđač "Zerick" d.o.o. Sarajevo je u svojoj Ponudi kao dokaz za obavljanje profesionalne djelatnosti dostavio ovjerenu kopiju Aktuelnog izvoda iz sudskog registra od 02.09.2021. godine.

Uvažavajući dostavljeno, Komisija za javne nabavke smatra da dostavljena ovjerena kopija Aktuelnog izvoda iz sudskog registra od 02.09.2021. godine (strana 9., 10. i 11. Ponude) nije ovjerena od strane nadležnog organa na ispravan način.

Komisija za javne nabavke smatra problematičnim činjenicu da se kopija dokumenta sastoji od 3 (tri) lista, odnosno 6 (šest) stranica, a nadležni organ ovjeravajući predmetnu kopiju dokumenta nije stavio pečat između stranica dokumenta, niti je upisan broj ovjerenih stranica u pečatu ovjere, a što je direktno utjecalo na formalno-pravnu ispravnost dostavljenog dokumenta.

Navedene činjenice kao žalbene navode koji su usvojeni kao osnovani potvrđuje i praksa Ureda za razmatranje žalbi BiH-Filijala Mostar kroz Rješenje broj: JN2-03-07-1-729-8/17 od 24.08.2017. godine.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

**III. Ponuda ponuđača "Digitarija" d.o.o. Sarajevo ne ispunjava formalno-pravne uslove tražene Tenderskom dokumentacijom i to:**

U obrascu za cijenu ponude – Aneks 2 TD, specifikacijom (kolona 3 tebele) traženo je "Navedi naziv ponuđenog artikla ili ekvivalenta, ukoliko postoji razlika u tehničkoj specifikaciji ponuđenog u odnosu na traženo upisati u prazno polje ponuđenu specifikaciju".

Ponuđač "Digitarija" d.o.o. Sarajevo u svojoj Ponudi (strana 6., 7., 8. i 9. Ponude) u Obrascu za cijenu ponude – Aneks 2, nije upisao naziv ponuđenih artikala (kolona 3 tabele), tj. ponuđač "Digitarija" d.o.o. Sarajevo je rubrike predviđene za upis naziva ponuđenih artikala iskrižao, umjesto da navede tražene podatke.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Printex" d.o.o. Sarajevo i

- "Imtec" d.o.o. Sarajevo ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računaska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9.4. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 07.10.2021. godine u 13:00 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 07.10.2021. godine, Komisija za javne nabavke je sačinila sljedeću Rang listu u postupku Konkurentskog zahtjeva za dostavu ponuda za nabavku i isporuku IT opreme za opremanje MZ i Društvenog doma Blagovac kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Printex" d.o.o. Sarajevo	17.700,00	20.709,00
2	"Imtec" d.o.o. Sarajevo	19.640,00	22.978,80

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Printex" d.o.o. Sarajevo, za nabavku i isporuku IT opreme za opremanje MZ i Društvenog doma Blagovac, kao prvoplasiranom na Rang listi, sa ponuđenom ukupnom cijenom nabavke u iznosu od 17.700,00 KM bez uračunatog PDV-a, odnosno 20.709,00 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

*Mirza Čutura*

Kontrolisala: Melisa Kršo

*Melisa Kršo*

Dostavljeno:

1. "Inter-com" d.o.o. Zenica
2. "Zerick" d.o.o. Sarajevo
3. "Printex" d.o.o. Sarajevo
4. "Digitarija" d.o.o. Sarajevo
5. "Imtec" d.o.o. Sarajevo
6. Nadležnoj Službi
7. U dosije
8. a/a

032/446-801  
 info@zerick.ba  
 033/445-573  
 tenderi@digitarija.ba  
 033/428-965



OPĆINSKI NAČELNIK

*Edin Smajić*  
 Edin Smajić